

2018. Ordenantza fiskalak. Behin betiko onarpena 2017ko abenduaren 22an izandako Bermeoko Udaleko Osoko Bilkuran BAO 2017/12/29. 247. zk., 6. zatia. Akats zuzenketak BAO 2018/01/24. 17 zk.

UDAL BALIABIDEAK IZTEAREN PREZIO PUBLIKOAK ETA FIDANTZAK ARAUTZEN DAUAN ORDENANTZA

I- XEDAPEN OROKORRAK

1. artikulua

Toki Ogasunei buruzko 9/2005 Foru-Arauaren 44. artikulutik 50.era ezarritakoagaz bat etorrira eta Toki Araubidearen Oinarriak arautzen dituen apirilaren 2ko 7/1985 Legearen 4. artikulua eta haregaz bat datozenen arabera, udal baliabideak iztearen prezio publikoak eta fidantzak ezarri eta eskatuko dira ordenantza honetan jasotako arauen arabera.

2. artikulua

Udal zerbitzuaren edo jardueren ezaugarriak dira ordaintzera behartuta dagoenagaz bereziki lotuta egotea hareri eragin eta laguntzen deusolako eta baldintza honeek betetzen diralako:

- Administratuek euren borondatez eskatu edo jaso dabe.
- Zerbitzu edo jarduerak sektore pribatutik be eskaintzen dira.

II- ZERGAPEKO ZERBITZU EDO JARDUERAK

3. artikulua

Udal baliabideak izteko zerbitzu edo jarduera honeek eskaintzearen truke ordaindu beharko dira honako prezio publiko honeek, BEZ barne:

Epigrafeak	Tarifak
1.1- Plastikozko hesia, unidatea	4,65
2.1- Burdinezko hesia, unidatea	3,92
3.1- Plastikozko mahaia, unidatea	12,53
3.2- Plastikozko mahaia FRONTOIRAKO, unidatea	13,79
4.1- Egurrezko mahaia eta bere astoak, unidatea	12,53
4.2- Egurrezko mahaia eta bere astoak FRONTOIRAKO, unidatea	13,79
5.1- Egurrezko aulkia, unidatea	2,12
5.2- Egurrezko aulkia FRONTOIRAKO, unidatea	2,37



6.1- konoa, unidatea	1,45
7.1- 4 modulu arteko tarima eta eskilara	163,77
7.2- 4 modulu arteko tarima eta eskilara FRONTOIRAKO	189,06
8.1- Eskenatoki txikia (16 modulu arte) eta eskilara	450,35
8.2- Eskenatoki txikia (16 modulu arte) eta eskilara FRONTOIRAKO	475,63
9.1- Eskenatoki handia (32 modulu arte) eta eskilara	995,88
9.2- Eskenatoki handia (32 modulu arte) eta eskilara FRONTOIRAKO	1.044,76
10.1- Frontoiko zoruaren babes goma-alfonbra	141,54
11.1- Proiektora	17,50

III.- ORDAINTZERA BEHARTUAK

4. Artikulua

Ordenantza honetan araututako prezio publikoak ordaintzera behartuta egongo dira zerbitzu edo jardueretatik onura jasotzen dabezanak, hau da, zerbitzua edo jarduera eskatuta emoten jakenak.

IV.- KUDEAKETA

5. artikulua

Zerbitzua edo jarduera eskatzeko era gune eta eraikin publikoetan ekimenen antolaketaren prozesuan aurreikusitako eskaera orria aurkeztea izango da (IN-138). Bertan argi zehaztu beharko da ondasun mota eta kopurua.

6. artikulua

Tarifen arabera prezio publikoaren kontura eskatu ahal izango diran kopuruak eskatutako edo emandako zerbitzu edo jarduera bakoitzeko ordaindu beharko dira, eta tarifa bakoitzerako adierazitako kopuruak ezingo dira murriztu.

7. artikulua

Zerbitzua ematen edo jarduera egiten hasten den unean sortzen da ordenantza honetan araututako prezio publikoak ordaintzeko betebeharra.

8. artikulua

Eskatzilea nor dan kontutan izan barik, ekintza bera irabazi asmo bakoa danean prezio publikoa ordaintzea salbuetsita egongo da.

9. artikulua

AF – E 38

2



Eskatzaileak, udalak zerbitzua emongo deutzonaren erabakiaren jakinarazpena hartzen dauan egunetik hasita, egun biko epean, eta beti ere, ekintzari hasikerea emon aurretik, prezio publikoaren autolikidazioa aurkeztu beharko dau [Berhaz](#) bulegoan. Ordaintzaren froga agiria aurkeztu ezean eta erabagian bertan adierazitako bestelako baldintzak bete ezean, ekimena bertan behera geratuko da eta baimen baldintzatua indargabetu egingo da, betepen faltagatik.

Autolikidazioa ordaintzeko epea aurkezten danetik 10 egunekoa izango da. Epean ez ordaintzean premiamenduzko prozedura aplikatuko da.

10. artikulua

Prezio publikoa ordaintzera behartuta dagoenari egotzi ezinezko arrazoiengatik, zerbitzua edo jarduera emon edo garatzen ez bada, ordaindutako zenbatekoa itzuli egingo jako.

V.- Fidantzak

11. artikulua

Ordenantza honetan aitaturako udal ondasunak izteagatik, prezio publikotik aparte, fidantzak be eskatuko dira eta gune eta eraikin publikoetan ekimenen antolaketaren prozesuan aurreikusitako epean edo momentuan aurkeztu/ordainduko dauz eskatzaileak.

12. artikulua

Izten diran ondasunen kopuruaren arabera fidantzen zenbatekoak honako honeek izango dira:

Ondasuna	kopurua	Fidantza
1- Plastikozko hesiak	1tik 20ra	87,12
	1etik 21era edo gehiagora	261,36
2- Burdinezko hesiak	1tik 20ra	48,58
	1etik 21era edo gehiagora 50eraino	145,74
	1etik 51era edo gehiagora 90eraino	291,49
3- Plastikozko mahaiak	1etik 10era	211,65
	1etik 11ra edo gehiagora	423,3
4- Egurrezko mahaiak euren astoekaz	1etik 10era	211,65
	1etik 11ra edo gehiagora	423,3
5- Egurrezko aulkiak	1etik 30era	55,9
	1etik 31ra edo gehiagora 60eraino	139,76
	1etik 61era edo gehiagora 90eraino	223,61



	1etik 91era edo gehiago	279,51
6- konoak	1etik 30era	24,1
	1etik 31ra edo gehiagora 60raino	60,26
	1etik 61era edo gehiagora 90eraino	96,41
	1etik 91era edo gehiago	120,52
7- 4 modulu arteko tarima eta eskilara		195,54
8- Eskenatoki txikia (16 modulu arte) eta eskilara		391,07
9- Eskenatoki handia (32 modulu arte) eta eskilara		977,68
10- Frontoiko zoruaren babes goma-alfonbra		0
11- Proiektora		35,00

Xedapen gehigarria

Ordenantza honetan xedatutakoa aplikagarria izango da bebai gune eta eraikin publikoak ez diran tokietan antolatutako ekimenetarako udalak itzi daikezan ondasunentzat.

Azken xedapena

Ordenantza hau 2014ko azaroaren 27an onartu eban Osoko Bilkurak. BAO-n 2015eko urtarrilaren 26an 16.zkan argitaratu zan eta 2015eko martxoaren 3an indarrean sartu zan.